

欽定書經圖說

第十六冊

卷四十四至
五十

欽定書經圖說目錄四十四

畢命六圖

王至于豐圖

毖殷頑民圖

垂拱仰成圖

旌別淑慝圖

商俗靡靡圖

道洽政治圖

[illegible]

畢命


康王因商民未愜周化乃以下都之衆命畢公保釐之古者
凡命諸侯及孤卿大夫皆有冊命此篇即當時冊命之詞

校印

金史卷之四十四

一

王至于豐圖



惟十有二年六月庚午朏越三日壬申王朝步自宗周至于豐
以成周之衆命畢公保釐東郊王若曰嗚呼父師惟文王武王
敷大德于天下用克受殷命

朏月初出三日也保安釐理也東郊即下都也父師謂畢公

此一幅圖是寫康王至于豐宮冊命畢公之事也周史臣曰
惟我康王嗣位之十有二年六月庚午時當月出之第三日
又越三日壬申王自朝乘步輦由宗周以至于豐宮乃親祠
于文王之廟而行冊封之禮所以尊德賞功敬禮大臣示不
敢專其事也太保畢公歷相四世為周室元老王於是以成
周之衆錫之策命命公安而釐理之因歎息而言曰父師
昔我周開國之初艱難締造皆公之所見知者也聖聖相承


至于文王武王益復修德行仁天下始歸心焉其能膺受代
商之大命者在此思前人創業之維艱愈以見今日治安之
匪易也蓋自周公遷商民于洛邑之後雖經君陳繼治而於
簡修進良之政未及舉行故康王策命畢公時意特重此

校印

金人言終國言文四

三

必殷頑民圖



垂拱仰成圖



惟周公左右先王綏定厥家茲殷頑民遷于洛邑密邇王室式
化厥訓既歷三紀世變風移四方無虞予一人以寧道有升降
政由俗革不臧厥臧民罔攸勸惟公懋德克勤小物弼亮四世
正色率下罔不祗師言嘉績多于先王予小子垂拱仰成年十二

紀父子曰世小
物猶言細行也

此二幅圖是寫康王述周公遷殷頑民之事以勉畢公也康
王又曰我周之戡殷受命如此其難由今日以追溯古昔我
文王武王之克成大業及我先君成王之克平大難所以左
右而輔相之者實惟我周公是賴惟周公以親賢碩輔安定
國家當時懲于祿父之亂俘殷之獻民遷于九畢使居于成

周之地密邇王化得以服習其教而滌其舊染之汙距今已歷三十餘年矣世既改變風俗因之潛移今者環顧四國亦遂安靖而無可憂虞之事予一人得以晏然于廟堂之上皆周公之惠也雖然治道本有隆汙為治者貴因其風俗之善惡而隨時改革之則善者既以旌獎而益勵其行惡者亦以奮勉而日遷於善苟不此之務而欲其民之有所勸慕烏可得乎予惟公以懋大之德又復謹於細行歷輔四世丰采凜然盈廷之人無不敬服而效法之蓋公之殊功盛業早著先朝而於我先王之時尤多休嘉之績焉予小子自惟涼薄惟有端冕垂裳拱手以仰俟公之成功而已觀康王命詞則知

當時之倚任畢公可謂專且重也

旌別淑慝圖



王曰嗚呼父師今予祇命公以周公之事往哉旌別淑慝表厥宅里彰善癉惡樹之風聲弗率訓典殊厥井疆俾克畏慕申畫郊圻慎固封守以康四海

癉病也樹立也

此一幅圖是寫康王令畢公旌別殷民之善惡也康王又歎息而言曰父師昔我周公輔相王室有鑒于武庚之亂無日不以化導殷民為事惟公盛德足以比美周公是周公未竟之事業將賴公以繼承之今予一人敬以成周之衆命公往哉其務盡茲保釐之道夫綏疆之術首在安民馭衆之權係乎激勸今者成周所居之殷民如此其衆其善者當旌異之以示之法其不善者當簡別之以立之戒凡善人所居之地